

6/0.

61375/P

Mr. Farber

with best compliments
from

The Author



DISSERTATIO MEDICA

INAUGURALIS,

DE

SCORBUTO.



Digitized by the Internet Archive
in 2018 with funding from
Wellcome Library

<https://archive.org/details/b30386779>

DISSERTATIO MEDICA

INAUGURALIS,

Ex dono Gul. Forbes Socii -
D E

S C O R B U T O.

et Balcanis Societatis Medicae Hbr
QUAM

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

GEORGIUS DUNBAR, A.M.

SCOTO-BRITANNUS,

Societ. Reg. Med. Edin. Praefes Annuus,

Nec non

Socius Extraordinarius.

Ad diem 12. Septembris, hora locoque solitis.

EDINBURGI:

Apud BALFOUR et SMELLIE,

Academiae Typographos.

M,DCC,LXXXIX.

DISSEMINATION
IN THE UNITED STATES

U. S. DEPARTMENT OF AGRICULTURE

1915

THE BUREAU OF PLANT INDUSTRY
WASHINGTON, D. C.



316 845

Patrui amicoque dilectissimo,

J A C O B O D U N B A R, L. L. D.

Philosophiae in Collegio Regio

Et Academia Aberdonensi

Professori,

UT testimonium, quam vividum gratumque, quem fovere sibi honori esse semper ducet, ejus curae operaeque solitaeque, quam in semet erudiendo posuerit, sensum habeat; quam profunde et firmiter in sua memoria insideant ille affectus et amor, quibus vicem patris, sibi, proh dolor! ante multos annos praematura morte erepti, praestiterit; et, denique, ut parvulum ejus venerationis monumentum, qua ingenium ejus rarum felixque, et doctrinam reconditam, unde plurimum fructus emolumentique saepe perceperit, quaeque, mirum in modum, ad munus summi momenti ei demandatum, quod dignitate et honore maximis ornat, fungendum accommodantur, prosequatur, et constanter fuerit prosecutus,

Hanc Dissertationem Medicam Inauguralem,

Ea qua par est,

Observantia,

D. D. CQ.

A U C T O R.

THE HISTORY OF THE
CITY OF BOSTON

FROM THE FIRST SETTLEMENT TO THE PRESENT TIME

BY SAMUEL JOHNSON

IN TWO VOLUMES

VOLUME THE FIRST

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

THE FIRST SETTLEMENT

DISSERTATIO MEDICA

INAUGURALIS,

DE

S C O R B U T O.

QUUM materiem paginis sequentibus ex-
equi decrevi, ea non parum attentionis
medicorum, navigatorum, et legislatorum, in sese
nuper convertit. Hinc factum est, ut lumen,
quod naturae scorbuti, causis et curationi fuit
offusum, ad stragem, quam olim edere solitus
sit, compescendam multum contulerit.

A

Quo

Quo notiones, quas habeam, hunc morbum spectantes accuratius tradantur, non alienum esse videtur, historiam ejus primum depingere, vel signa, quae eum ab aliis morbis secernunt, plene referre; quoniam, hoc facto, investigationes, quae subsequuntur, in luce ponentur clariore.

DEFINITIO.

In hac concinnanda Culleniana, quae notas morbi praecipuas clare feliciterque designat, magna ex parte utar: “In regione frigida *
“ saepissime

* Quamquam scorbutus, regionibus in frigidis, oriri magis periclitetur; testimoniis tamen, de quorum veritate nequit dubitari, innisi, affirmare audeamus, eum, in plagis calidioribus semet frequenter ostendisse. In classe

Ansoniana,

“saepissime post victum putrescentem, salitum,
“ex animalibus confectum, deficiente simul
“materia vegetabili recente;” aliquando vero
materia vegetabili recente quotidie copiose-
que adhibita, “asthenia, stomacace, in cute
“maculae diversicolores, plerumque livescentes,
“praesertim ad pilorum radices.”

HISTO.

Ansoniana, etiam in regione Mexicana lenissima, non cessavit *. Inter navigandum ad Indos Orientales non raro invadit †. Qui nautae in India oleribus viridibus non vescuntur, ii in scorbutum incidere solent ‡. Morbus denique classem viri nobilis Rodneii in India Occidentali infestavit ||.

* Mr Walter's Account of Lord Anson's Voyage.

† Clark on Hot Climates.

‡ Lind on the Diseases of Europeans.

|| Blane.

DE SCORBUTO.

HISTORIA MORBI.

Morbum accessurum esse plerumque testatur color faciei mutatus. Æger miserandus tristis animoque demissus evadit, et eas exercitationes, quae vel ad animum ejus oblectandum conferunt, vel ab eo per necessitatem ipsam requiruntur, averfatur. In iis corporis partibus, ubi vasa sanguifera in conspectum sese dant, colore subviridi infici videntur; appetitu cibi interea immutato parumque diminuto manente. Lassitudo universa dominatur, et genua, exercitatione adhibita, rigida et languida evadunt. Difficilis laboriosusque spiritus a morbo fere nunquam disjungitur. Ægroto gingivae tument, et sanguinem, levissima injuria illata, profundunt. Quinetiam speciem lividam prae sese ferunt,

ferunt, et prius molles et spongiosae, deinde putridae fungosaeque fiunt. Quanquam epistaxis saepissime semet ostendit; sanguis tamen ex aliis corporis partibus non raro effunditur. Cutis tactui dura, nonnunquam aspera est, frequentius vero laevis et splendida. Subter cutem notari possunt maculae colore variae, tales plerumque, quales a sanguine, ob partem contusam, effuso, proficiscuntur. Magnitudine variant. Ampliores, morbo longe provecto, in conspectum crebrius venire solent. Rarius in capite et facie, quam in reliquis corporis partibus, apparent.

Quae aeger patitur, ea nunc admodum intendi incipiunt. In crura oedema invadit, tendines poplitum contrahuntur, juncturae genuum tument et dolent, et membra non amplius munia sua obire possunt. Lassitudo supra comprehensa adaugetur. Aeger fato repente functus est,

est, ab uno loco ad alium devectus, vel aëri puro subito objectus. Suræ et femora, ut auctores * summa fide dignissimi testantur, duritiem fere lapideam sibi fuerunt adepta.

Si gravitas horum signorum increfcere permittatur, et morbo per remedia, quae in auxilium ejus sunt prompta, non obfistatur,, tales miseriae aerumnaeque in conspectum sese dant, quales nemo, cui mentem mala tangunt humana, vel aspicere vel describere potest misericordiae expers.

Ulcera vetusta, quae nihil molestiae longum per spatium faceffiverunt, redintegrari consueverunt. Cutis partibus tumefactis sponte rumpitur, unde oriuntur ulcera foeda, sanguinea. Mortem nonnullis, hoc morbi tempore, accelerat

* Lind on the Scurvy; and Ives.

rat sanguis e variis corporis partibus, ut ex intestinis, renibus, venis haemorrhoidalibus, &c. nimia quantitate profusus. Hydrothorace aut ascite morbus saepe funeste finitur. Si aqua in telam cellulofam scrotumve effunditur, non in tanto periculo versatur aegrotus.

Finem morbi insignit angustiae et oppressio-
nis pectoris sensus, quem spiritus difficilis co-
mitari solet. Aliquando accedit dolor subter
sternum. In multis exemplis vero deest, et
respiratio difficilis et laboriosa morbum ad fi-
nem perducit.

Æger, per stadia etiam morbi provecta, ap-
petentiam cibi nulla ex parte diminutam habet.
Nonnullis in casibus diarrhoea perpetua urget.
In aliis nulla hujus signa semet ostendunt.

Ulceræ

Ulcera scorbutica nonnihil attentionis merentur. Humorem tenuem foetidumque, sanguine admixtum, profundunt. Coagula, quae difficulter abstergentur, in iis formantur. Quamvis tolluntur, cum ulcus proxime nutritur, rursus apparent. Subter ea caro mollis aut spongiosa esse videtur. Margines colorem lividum plerumque habent, et carne, quae subter cutem oritur, luxuriante et excrecente, intumescunt. Cum auctum horum excrementium retardandi consilio nimis arcte comprimuntur, ad gangraenam vergere periclitantur, et membrum constanter intumescit, dolet, et plerumque maculis foedatur. Morbo progrediente, in fungos sanguineos excrecunt, quibus nomen *hepar bovinum* nautae indere confuerunt. Haec substantia una nocte magnam sibi molem frequenter adipiscitur, et, licet causticis et scalpello deleatur, eandem, cum ulcus proxime nutritur, magnitudinem, ac antea, sibi comparasse reperitur.

Contusiones

Contusiones levissimae in ulcera sanguinea, fungosa, et foetida converti periclitantur.

Caput raro afficitur, nisi aegrotus in febrim inciderit. Lindus celebris memoriae prodit, pyrexiam raro subesse, et, si ullo tempore aegrotum corripiat, pro signo fortuito potius, quam pro morbi proprio, esse habendam; namque scorbutus naturam omnino chronicam habet.

Insuper notandum est, gingivas, morbo violenter saeviente, profunde exulcerari, et speciem gangraenae prae sese ferre. Aegrotus os vix aperire potest, et, facie maxillisque tumefactis, odontalgia gravissima laborantem refert. Dentibus omnino vacillant, et saepe ex alveolis excidunt. Hoc vero raro subsequitur maxillae caries. Caries scorbutica quidem tantum incidere solet, lamina ossis exteriori abrupta.

Scorbuto laborantibus functiones mentis non perturbari videntur. Quanquam saepe animo admodum demisso colluctantur, sensus tamen integri manent; et in lecto cubantes nec dolorem, nec molestiam, queruntur, nisi accesserit diarrhoea, nimiumve sputum.

Quibuscunque vitiis aegrotus conflictatur, ea omnia, scorbuto invadente, augentur. Ictus arteriarum plerumque debiles et languidi sunt.

Non mihi, uti spero, vitio vertetur, quod, in signis scorbuti depingendis, non historiam ejus gradus in diversos discerpsi. In opusculo, quale hoc est, divisio hujusmodi parum necessaria esse videbatur. Nihil amplius opus esse judicavi, quam signa morbi praecipua collecta conspectui subicere, ut postea naturam morbi et curationem clarius exponere possem. Quicunque notas morbi minus solitas et anomalas scire cupiet,

cupiet, tractatum Lindi celeberrimi super hoc argumento accuratum et excellentem adeat.

Signis scorbuti praecipuis nimis forsitan breviter percursis, proximum est, ut causas, unde morbus proficiscitur, investigandas suscipiam, quod facio viribus ingenii non parum diffidens.

CAUSÆ REMOTÆ.

Hodie inter omnes fere convenisse videtur, unum tantum, qui nomen scorbuti mereatur, esse morbum; in omni regione, et sub unaquaque coeli temperie, eundem esse; eadem, sive mari, sive terra faeviat, signa edere, et in omni loco, ubi apparuit, ab iisdem fere causis proficisci fuisse compertum. Igitur non morbum, in morem auctorum complurium *, in species subsequentes

* Boerhaav. Aphorism. § 1151, et 1163.

subsequentes dividendum curabimus, *muriaticam* nempe, *acido-austeram*, *foetido-alkalinam*, *rancido-oleosam*, &c.

- Quidam * quoque scorbutum a labe haereditaria profluere, et contagione vulgari posuerunt; sed experientia clari Lindi conjecturas hujuscemodi admodum improbabilis reddidit.

S E M I N I A.

1. Inter has causas, quas proclivitatem ad scorbutum dare observationes accuratissimae demonstrarint, locum principem obtinent *frigus* et *humiditas*. Monumenta medicinae historiaeque paucissima vel nulla scorbuti gravissime saevien-

tis

* Horst. Tract. de Scorbut.

Boerh. Hoffman. Carleton, Blane, &c.

tis exempla nobis suppeditant, ubi haec subesse demonstrari non possunt.

Vapores e parietibus domorum humidis exhalantes gravitatem scorbuti augere, domos frigidas humidasque ortui ejus favere, et loca ficciora tenentes ei minus patere, consensus auctorum et testimonia clare evidenterque probant.

Intra gradus latitudinis septentrionales, et in locis humidioribus et palludosis, scorbutus endemicus esse notatur. Per frigus intensum hyemale Icelandiam, Greenlandiam, partes Russiae boreales, et Canadam, plerumque infestat.

Antequam progressus artium, inventa luxuriae, et commercii commoda, ad solum Bataviae exsiccandum et excolendum contulerant, dum adhuc paludibus cooperiebatur, et atmosphaera humida et insalubri circumdabatur, scorbutus

non

non parum stragis edidit, et, per decursum tempestatum pluviosarum, gravis et omnino epidemicus redditus est. In praesentia, minus frequenter semet ostendit, et pauperculis magna ex parte circumscribitur, qui partes regionis depressas et humidas tenent. In locis hujuscemodi violenter saevit, et non sine magna difficultate depellitur *.

Culturae foli non dissimiles ad saevitiem ejus leniendam in Saxonia inferiore, aliis Germaniae partibus, Suedia, Dania, et Norvegia, fecerunt †.

Attentionem nostram fugere non debet, morbum Venetiis, quarum situs est humidus, esse ignotum. Caeterum huic rei verae satis luminis

* Van Swieten Comment. in Boerhaav. Aphorism.
1160.

† Brunner. Tractat. de Scorbuto.

nis offundunt frigoris in illa regione absentia, et alimenta quibus Itali victitare solent.

Scorbutus in classe viri nobilis Ansonii, postquam promontorium, quod *Cape Horn* appellatur, praetergressus est, semet ostendit. Coelum autem, eo tempore, procellosum fuit, nautae fluctibus ingentibus super naves semet volventibus constanter madefacti sunt, et vi frigoris ventorumque penetrabili torpuerunt. Dum Adzoph obsidebatur, scorbutus in exercitu Imperatricis Russiarum ortus est. Et silentio non praetereundum est, milites quoque tunc temporis, tempestati frigidae, pluvia et nive stipatae, fuisse objectos.

2. Ignavia mortales ad hunc morbum proclives efficit.

Terra

Terra eos potissimum, qui vitam sedentariam agunt, infestat. Qui in operibus, quae multum actionis exigunt, sunt occupati, ii scorbuto non obijciuntur. In mechanicum sedentarium frequenter invadit, dum eo ex toto vacat agricola laboriosus *.

Pigri, ut apud nautas appellantur, et ii, quibus conditio non multum exercitationis injungit, in hunc morbum primi, aut in primis, incidere notantur †.

3. Quibus hunc morbum accurate considerandi multae occasiones fuerunt subministratae, ii memoriae produnt, exercitationem nimiam

non

* Huxham.

† Lord Anson's Voyage! Rouppe de Morbis Navigant. Blane. Lind.

non minus, quam ejusdem defectum, nocere. Cum scorbutus in Canada, anno humanae salutis 1759, exercitum Britannicum magnopere exercuit, labores, quos milites subierunt, gravissimi ad morbum movendum multum forsitan contulerunt. Ab inertia ad laborem intentissimum a militibus saepe transitur. Hoc nautis frequentius incidit. Somnum dulcem et reficientem illis saepissime adimit necessitas dura. Cum defatigati oculos claudere incipiunt, ad munia necessaria obeunda arcessuntur, et eosdem labores, quos modo reliquerant, reiterare coguntur. Ita vires illis imminuuntur, et, ante omnes alios, morbo opportuni evadunt. Hinc, dum Ansonius littus Mexicanum, regionem mitem et temperatam, legebat, classarios ejus invasit scorbutus, dum semet, ob aquam puram et alimenta recentia, adversus eum omnino tutos esse crediderunt. Numero nautarum hoc tempore magnopere diminuto, labor eorum, qui

C

superfuerunt,

superfuerunt, admodum magnus evasit. Ortum ejus in exercitu Russiano causis similibus tribuendum putamus. Quae copiae ad Ockzakow iter faciebant, eae fatigationi nimiae fuerunt obiectae, et difficultates, quas superare oportebat, permagnae attentionem constantem nisusque acerrimos requirebant *.

4. Ii, quibus vires morbis praecedentibus fuerunt convulsae, ad morbum admodum proni esse reperiuntur.

Cum morbus in exercitum Imperatoris Germanici in Pannonia inferiore gravissime saeviit, qui plurimum detrimenti ab ejus violentia ceperunt, ii tales fuerunt, qualibus vigorem corporis febres longae periculosaeque debilitaverant †.

5. Magnam

* Vid. Dr Nitsch's Account.

† Kramer.

5. Magnam ad morbum proclivitatem constituit animus tristis et demissus.

Moestos iisque, quae adsunt, parum contentos invadit, dum hilaribus, quos suae fortis minime poenitet, saepe parcit. Hinc apud milites, qui nomina dare nuper fuerunt coacti, et incolas oppidorum, quae diu fuerunt obsessa, semet ostendit.

Antiquis hypochondriacis, temperamentum melancholicum, et scorbutum, diversas ejusdem morbi species esse placuit; et medici hodierni, ut credo, qui in naturam scorbuti inquisiverunt, affectus duos priores mortales posteriori admodum obnoxios efficere fuerunt comperti.

POTES.

POTESTATES NOCENTES.

1. Utrum sal necne ad morbum prognerandum aliquid conferat, acriter fuit certatum. Voci experientiae super hac re auscultemus, et opinio rebus veris regatur.

Ægroti Lindo celeberrimo fuerunt commissi, quibus, ob alia vitia, aquam marinam, in tempus diuturnum, praescribendam putavit. Ex hac medendi ratione fructus felicissimi fuerunt percepti; nullus tamen eorum in scorbutum incidit. Idem medicus admirabilis scorbuto laborantibus aquam marinam praecepit. Signa vero morbi non ingravescebant. Non in exemplis semet ostendit, ubi nautae alimentis navis propriis diu victitare, et carnem bovinam et suillam,

suillam, ob defectum aquae fontanae, ex aqua marina coquere fuerunt coacti. Navitis, cum prima scorbuti signa apparent, ut omni cibi portionisve genere, quod minima ex parte salitum est, abstineatur, praecipi solet. Morbus tamen gravitate frequenter increscit. Si sal ventriculo receptum morbum facere valeret, probabile esse videretur, effluvia salis ad eundem progignendum quoque esse collatura. Compertum vero habemus, in sale marino ex aqua marina faciendo occupatos, et opifices in salinis Poloniae, ne minime quidem scorbutu affici solere. Contra, valetudine commodissima fruuntur, et vigorem corporis insignem habent *. Quinetiam morbus gravissime saeviit, multis in exemplis, in quibus aegroti nullis alimentis salitis fuerant usi. Classem Ansonii oram Mexicanam legentem invasit,

* Hoffman. tom. 3. cap. 9. pag. 57. de Efficac. et Utilit. Sal Commun.

vafit, multis Germanis in Pannonia inferiore accidit, et exercitum Imperatricis Ruffiarum graviffime infestavit. In his autem exemplis nulla alimenta falita ad morbum inferendum contulerunt. Multa fcorbutum, dum vegetabilia in ufu quotidiano erant, ortum effe testantur. In comitatu Hamptonienfi, annis 1759 et 1760, epidemice graffatus eft, quamvis diaetam vegetabilem adhibebant aegrotantes *. Memoriae traditur, incolas regionum Italiae frigidiorum prope Alpes infefaffe, qui, fame dominante, decocto radicum femet fufientabant †. Morbum, rebus ita fe habentibus, accedere poffe demonftrant, exemplum, quod clarus Milmannus Collegio Medicorum Londinenfi obtulit, duarum paupercularum, quae, longum continuumque per temporis fpatium, infuso theae et pane
folis

* Lind.

† Joannes a Bond de Scorbuto

solis nutritae, scorbuto afficiebantur; et ortus ejusdem in classe Britannica in freto Anglico huc illuc navigante, quae nondum sex hebdomadas portum reliquerat, et vegetabilibus liberaliter fuit instructa.

Igitur, me judice, probabile est, morbum a cibariis salitis adhibitis non pro certo pendere; cum eum, eo ipso alimento, quod in illum, ut antidotus specifica agere fuit positum, apparuisse videamus. In parte hujusce dissertationis subsequente probare conabimur, scorbutum, certis causis agere pergentibus, sive aegrotantes cibo vegetabili animalive, sive alimentis salitis recentibusve victitent, oriri esse periclitaturum. Et in multis exemplis, ubi in causas scorbuti fuit inquisitum, rem fortuitam in errorem non facile devitandum medicos induxisse, non opinari non possumus. Quod nobis ob oculos obversatur, est hoc, quod praesidiis navibusque, locis,

locis, causis morbi variis maxime opportunis, cibaria salita plerumque sufficiuntur. Quinetiam eadem loca vegetabilibus recentibus privari consuerunt. Si denique hoc reliquis adjiciamus, quod cibus vegetabilis liberaliter adhibitus in morbum mire pctuit, neminem admiratione afficiet, nihil amplius ad probandum usum cibi saliti inopiamque vegetabilium sola morbum movere valuisse, necessarium esse visum. Investigationes vero laboriosae, experientia magna, et ingenium Lindi celebris acerrimum non parum fidei huic opinioni derogaverunt.

2. Causis, quae mortales ad scorbutum proclives efficiunt, jam consideratis, omnes ad vires corporis imminuendas conferre mihi persuasum est. Igitur qua ratione diaeta, cui nautae insueverint, actioni harum causarum auxilians, ut morbus in homines hujuscemodi frequenter invadat, faciat, facile concipi poterit. Alimen-
tum,

tum, quo vivitur, conditioni nostrae, quo valetudinem commodam faciat, accommodetur oportet. Quae species cibi a sano concoqueretur, eadem a ventriculo ejus, si morbo laboret, in nutrimentum non vertetur. Actuosus et laboriosus agricola alimento facile sustentatur, quod sedentarii ignaviaeque dediti nequeunt concoquere. Ita nauta, dum segnitiem fugit, et laetitiam animi et alacritatem habet, dum sua attentio, status sociorum navalium, et praefecti humanitas talia ei sufficiunt, qualia eum adversus frigoris effectus, humiditatem, et reliqua semina tutum praestant, alimentis, quae mari vulgo adhibentur, sine incommodo aut morbo, vivere poterit. Si vero, contra, causae, quae proclivitatem ad morbum dant, agere permittantur, eadem alimenta morbum excitare reperiuntur. Ex iis accuratis, quae memoriae prodiderunt auctores commeatum nauticum, utpote qui e substantiis farinaceis non fermentatis, et

D

carne

carne aut piscibus salitis vel exsiccatīs plerumque confletur, concoctu esse difficilem evidenter apparet. Igitur alimenta hujuscemodi, organis assimilantibus per feminia debilitatis, in ventriculum ingesta, ad sanitatem tuendam male accommodantur. Immo morbum, quem versus constitutio corporea ante vergebat, moveant necesse est. Vir eruditus Van Swieten notabat, caseum veterem acrem, qui in usu frequente apud incolas Hollandiae est, morbum in iis, eo jam conflictantibus, graviores efficere, et proclivibus ad eundem noxae esse. Insuper adjicit, eos, qui convaluerunt, si hac substantia concoctu difficili utantur, in morbum rursus incidere periclitari.

Quae Societas Belgica, balaenas apud Greenlandiam capiendi consilio fuit instituta, ea, anno 1633, observationis et investigationis studio impulsā, et notitiam ejus regionis adipiscendi

avida,

avida, nautas septem valentiores, qui hyemem, ut ea, quae tantopere exoptarent, discere valerent, transigerent, ibi reliquerunt. Cibaria omnigena e navibus illis suppeditabantur. Haec provida cura vero miseriae morbique fons et origo evasit. Desidiosos reddebat, et ne eam corporis exercitationem quae valetudini commodae zona in frigida degentium omnino necessaria est, adhiberent cavebat. Haec enim, si cibum industria et labore quaerere fuissent coacti, miseriam aerumnamque ab illis defendisset. Inertia vero, et frigus regionis cum cibo, quem habebant, concoctu difficillimo conjunctum, eos omnibus scorbuti pertinacissimi miseriis implicuerunt.

Silentio non praetereundum est, pauculos Anglos, qui in Greenlandia casu fuerunt relictī, omnibus cibariis, praeter ea quae sua industria et ingenium sibi comparare valuerint, destituti,

a scorbuto immunes mansisse, et semet, gravitate fati illaesos, civibus obtulisse, licet variis casibus malisque, in undecim menses, fuissent objecti. Fortunati Batavi! si dura necessitas manum industriae exercuisset, et nisus ingenii excitasset. Rebus ita se habentibus, alimentis concoctis difficilibus facile victitassent, morbique gravitatem evasisent.

Supervacaneum foret huic argumenti parti diutius immorari, cum cibum corruptum et coctu difficilem scorbutum movere res vera sit, quam testimonia seculorum conjuncta stabiliunt et confirmant. Si nulla alia miseriae humanae, quae huic opinioni fidem faceret, historia extitisset, de expeditione sacra Ludovici Noni Regis Galliarum, memoriae a Jonville tradita sola huic concilio suffecissent.

3. Alimenta parum nutriminis continentia aequae, ac substantiae quae viribus concoctionis aegre subiguntur, scorbutum faciunt. Hinc famem saepe comitatur. In aetate provectioribus, ob nimiam abstinenciam defectu appetentiae factam, oriri notatur *. Et Dr Stark, qui dietam suam ad minimam, qua potuit vivi, quantitatem redegit, eo fuit correptus.

4. Inter naturam scorbuti investigandam, quantum aër corruptus, qui in carceribus, nosocomiis, vel navibus, in quibus nimia hominum multitudo coarctatur, oriatur, ad morbum conferat excitandum, accurate, et prout volui, discere nequivi. Nonnulli aëra inquinatum pro causa morbi excitante habuerunt. Typhus vero, affectus a scorbutico alienus, causa hujusmodi dominante, plerumque oriri videtur. Minime

* Blane.

nime vero negandum est, aëra hoc genus, utpote qui respirationi parum sit aptus, aliis causis adjunctum, ad ortum morbi et progressum facere posse.

5. Quin affectus animi magnam in indolem humanam potestatem habeant, et multum ad animos mortalium diversos reddendos conferant, nemo inficias ire audebit. Quo magis effectus, quos edunt, considerantur, eo plus rationis, cur eos in morbis faciendis et depellendis multum posse credamus, esse videbitur. Quot potestate laetitiae summa morborum gravitate, fuerunt liberati! Quot morbis succubuerunt moestitia oppressi et degravati! Hoc modo multi luctu confecti contabuerunt, et tandem, aetate adhuc florente, miserias aerumnasque morte mutarunt. In mala, quibuscum colluctabantur, nihil potuit medicina; namque a “ tacito sub pectore vulnere” proficiscentia nihil levationis, nisi a
conso-

consolatione amicitiae, laetitia praeter consuetudinem ingente, viribusve spei reficientibus, recipere potuerunt.

Quantos quamque potentes in fabricam humanam effectus edant animi pathemata, clare evidenterque monstrabit historia scorbuti attente considerata. Neminem enim fugere potest, hunc morbum strages suas horrendas in his locis potissimum edidisse, ubi animus dolore, angore, vel desperatione affici periclitabatur.

Si historiam cursus Ansoniani infelicis examinamus, miseria varia et multiplex oculis nostris objicitur. In regione littoris Mexicani miti et temperata, focii ejus navales numero per gravitatem morborum fuerunt diminuti, superstites defatigatione exhausti, navis, qua cursum longum et periculosum absolvere oportebat, concussa, et notio solum natale nunquam revisendi,

pere-

pereundique, nullis amicorum obitum deflentibus, illis ob oculos constanter obversabatur. Tot infortunia conjuncta actioni mentis et vigori non inimica esse non potuerunt, et miseriam, jam nimiam, ex toto intolerabilem reddiderunt, scorbutum illis inferentia, quanquam magnam remediorum, quae in auxilium ejus promptissima esse censentur, copiam possidebant *.

Quae auxilia nobis hoc argumentum exequentibus suppeditat obfessorum Bredae historia,

ea

* Miseriae, quas perpeffi sint, ab auctore navigationis Ansonianae eleganter accurate describuntur loco sequente, qui calamitatem eorum maximam, et morbi naturam, optime simul depingit.

“ This disease is likewise attended with a strange
 “ dejection of spirits, and with shiverings, tremblings,
 “ and a disposition to be seized with the most
 “ dreadful terrors on the slightest accident. Indeed

“ it

ea neglectui habere foret absurdum. Modo spe elati e miseria emergebant, modo timore obruti in morbum reciderunt, et absentia vel praesentia scorbuti a gaudio vel moestitia praesidii notabatur pendere. Princeps Aurasionis saluti obsessorum magnopere metuens, medicamentum, quod forsitan non multo efficaciae verae praeditum fuit, in praesidium invehendum curavit, cujus virtutes antiscorbuticas tales esse, qualibus nullo in exemplo posset obfisti, asseruit. Mife-

E

randi

“ it was most remarkable, in all our reiterated experi-
 “ ence of this malady, that whatever discouraged our
 “ people, or at any time damped their hopes, never
 “ failed to add new vigour to the distemper; for it
 “ usually killed those who were in the last stages of it,
 “ and confined those to their hammocks who were be-
 “ fore capable of some kind of duty; so that it seemed
 “ as if alacrity of mind and sanguine thoughts were no
 “ contemptible preservatives from its malignity.” An-
 son’s Voyage, p. 143.

randi aegroti mala, quibus conflictabantur, finiendi cupidi, et ad virtutes cujuslibet novi medicamenti efferendas et amplificandas proni, summam in remedii efficacia fiduciam collocarunt. Credulitas spem excitavit, et, hoc animi affectu salutari dominante, omnia morbi signa repente evanuerunt *.

Expectatio pugnae brevi ineundae animos mortalium mirum in modum, ut exempla plurima docent, excitare consuevit. Haec in classibus Britannicis, motus aemulationis et amoris patriae tam generosos tamque nobiles frequenter accendit, ut multi, qui morbo diu laboraverant admodum languidi et debilitati, hoste appropinquante, malorum, quibus tentabantur, obliti, in locis apparuerint fortitudinis et vigoris pleni, gloriam patriae vitae periculo sustentare parati,

* Vander Mye apud Lind.

parati. Dr Blane memoriae prodit, omnes fere classarios Britannicos, postquam victoriam de Comite de Grasse reportavit Rodneius nobilis, ad sanitatem fuisse reductos.

Ita quidnam affectus animi hoc in morbo praestent, clare videmus. Nos nequit latere, eos, qui animum contristant, movere; eos vero, qui exhilarant et erigunt, scorbutum depellere. Cum *bonum* admodum probabile vel omnino certum est, *gaudium* morbum fundit fugatque; cum, contra, *malum* inevitabile esse videtur, *dolor*, ut idem repetat, plane facit. Ita, non sine causa gravissima, affectus, qui animum demissum efficiunt, causis scorbuti excitantibus annumerantur.

CAUSA

CAUSA PROXIMA.

Signis, feminiis, et potestatibus nocentibus jam percursis, proximum esse videtur, ut in naturam causae proximae, quantum possumus, inquiramus. Inter hanc investigandam, minime diffiteor, animum mihi dubium inter duas theorias oppositas et contrarias, quas hoc argumentum consideratum mortalibus suffecit, frequenter haesisse.

Una putredinem gradatim accumulatam humori vitali inesse ponit. In hanc sententiam concessit vir eruditissimus *. In ea sustinenda multum laboris consumpsit, multumque ingenii ostendit.

* Pringle.

ostendit. Anima foetida, excretorum conditio et species, quam cutis et sanguis prae sese ferunt, ut documenta hujusce doctrinae, fuerunt prolatae. Ad eandem speciosam reddendam non parum contulit ratiocinatio Professoris in hacce academia ingeniosi et venerabilis *, de victu e cibo animali ex toto confecto, et materiae salinae explicatione. Licet vero haecce theoria nominum illustrium auctoritate protegatur, meum tamen esse duco, quaedam in medium proferre, quae ad aliquantum dubitationis de ejus veritate excitandum conferre posse videntur.

I. Inter omnes convenit, notam characteristicam, qua res animatae ab inanimatis fecernuntur, esse eam, quae illis inest, putredini obsistendi potestatem. Cum res ita se habeat, non quaerere non possumus, quomodo, in scorbuto,
vel

* Vid. Prin. Lin. Cullen.

vel quolibet alio morborum, qui putridi appellantur, humor, conditionibus, quibus sanguis in systema vasculosum diffunditur, subjectus ei mutationi et materiae mortuae decompositioni, si ita loqui liceat, quae putredinem constituunt, unquam obnoxius evadere potest. Qua ratione, quaesumus, fit, ut sanguis, si talem ejus statum ullo in exemplo existere concedamus, his notis non insigniatur, quae putredinem nunquam non comitantur, ut aëris emissio, &c.? Nonne omnes philosophandi regulae tradunt, similes effectus a causis similibus esse sperandos? Igitur, cum effectus in casu praesente non semet ostendant, inde haud dubie, causam non existere, cogi et effici debet. Si respondeatur, putredinem, quae incidit, pro singulari, aut sui generis, esse habendam. Hoc, judicio nostro, nihil aliud est, quam aliis verbis confiteri, nihil putredinis hoc in morbo subesse.

2. Quo modo sanguis variis corporis conditionibus afficiatur, nondum plene fuit expostum. Si vero ullus status corporis morbidus humori vitali putredinem posset inferre, talis mutatio haud sensus lateret.

Compertum habemus, sanguinem, qui putridus sit, cogi non posse *, quoniam primus operationis septicæ effectus est texturam partium ejus dissolvere, ut in omnibus aliis corporibus incidere consuevit. Examina, quibus hicce humor in omni morbi stadio, et etiam postquam morte finitus est, fuit subjectus, non parum, ut opinamur, investigationi nostræ luminis offundent.

Lindus celeberrimus aegrotis centum et pluribus, qui scorbutu laborarunt, per omnia morbi
stadia,

* Op Haller. tom. III. p. 137.

stadia, sanguinem, temporibus diversis, emisit. Eum in serum et crassamentum, more solito, sponte discedere, et etiam, morbo admodum provecto, compactum firmumque esse compertus est. Quinetiam in experimentis clare Rouppe quaedam guttae sanguinis scorbuto laborantis, linteo puro exceptae, protinus cgebantur.

Quas res veras incisiones cadaverum suppeditant, eae idem probare videntur. Cadavera scorbuto extinctorum examinata varias sanguinis coacti species in cavis cordis, in tela cellulosa, &c. in conspectum dederunt *. Documenta similia praebere morbi, qui putridi fuerunt appellati, attente considerati; cum vero limites dissertationi hujuscemodi praescripti investigationem tam amplam tamque longe patentem non recipiant, ut candidus indagator tractatum Doctoris

* Poupart. Lind. Rouppe.

toris Milmani ingeniosum super hac re adeat suademus.

Status autem sanguinis, a quo hic morbus pendere fuit positus, texturae ejus dissolutionem necessario continet. Cum vero hanc notionem cum rebus veris supra comprehensis componimus, nosmet de pathologia scorbuti, uti vocatur, humorali nonnihil dubitare non confiteri non possumus; quoniam, si putredo sanguinis causa proxima foret, signa putredinis in eo humore haud dubie reperirentur. Nulla autem hujusmodi signa ibi notari posse jam vidimus; et igitur, si causam effectus non excipiant, qui cum ea necessario connectuntur, et ab ea disjungi nequeunt, pro regulis ratiocinationis justae et legitimae, causam non existere, concludere licet.

Quò hoc ratiocinium longius etiamnum prosequamur, sanguis scorbutò conflictantibus de-

F

tractus

tractus sensus gustui et olfactui minime omnium, quos medicus eruditus unquam expertus est, percipiendos praebet. In eodem aëris statu servatus, citius sanguine valetudine commoda fruuentium non putrescit. Particulae tenuiores carnis ovillae e sero ejus maceratae, aequae diu corruptionis immunes, ac in serum sanorum immerfae, manserunt. Denique, si humores e sanguine secreti tales sint, quales eos esse Lindus retulerit, inde non parum confirmationis et praesidii opinio, quam tradimus, deducet.

3. Pathologia scorbuti humoralis sanguinem, licet actione vasorum perpetuo moveatur, et arctissime cum vita jungatur, pro fluido passivo et inerte, mutationibus materiae mortuae chemicis et decompositioni obnoxio, habet. Quantum affectus animi in morbo excitando et depellendo possint, supra fuit comprehensum. Si sanguis vero ea substantia passiva sit, quae esse posita fuerit,

fuerit, quomodo cum affectibus animi tam facile circumagi potest? Quomodo potest metus ei humori putredinem inferre, aut spes eundem ab eo statu revocare? Verum tamen est, valetudinem, Breda obseffa, pro spe praesidii metuve fuisse mutatam; et probabilitatem auxilii solam animique alacritatem, quam praelium mox faciendum soleat movere, hominibus, quibus scorbutus malignus et gravissimus vires omnino convulserat, vigorem saepe restituisse. Nonne haeres verae auctoritati, cui fides nequit derogari, innitentes pathologiam hujusce morbi humoralem non aequae probabilem esse evincunt, ac nobis persuadere volunt defensores ejus eruditi et ingeniosi.

4. Quinetiam fuit notatum, scorbutum, five cibus animalis, five vegetabilis, five alimenta salita, five recentia adhibeantur, oriri solere. Si eum igitur conditioni humorum putridae tri-
buere

buere nobismet in animum inducamus, qua ratione statum hujusmodi facere possint alimenta, natura sua inter sese tam longe differentia, intellectu in primis difficile esse videtur.

5. Pringelius illustris dotes rerum varietatis antisepticas magna industria demonstrandas curavit, et experimentis extra corpus institutis inductus, quales intra idem agentia effectus edant, conclusit. Si vero appareat, antiseptica magis debilia plus in morbos, qui putridi nominantur, quam valentiora, saepe posse, et medicamentum virtutibus antisepticis exiguis, nullisve extra corpus praeditum hisce affectibus efficacius, quam aliud cui insint dotes putredini inimicissimae, frequenter occurrere, de conclusione viri eruditi et sagacis nonnihil dubitare licebit.

In morbo, quem exequimur, ubi massa sanguinea putrida esse ponitur, antiseptica, quae
valen-

valentissima esse censentur, ut radix valerianae fylvestris, camphora, borax, alkali volatile, &c. ad aegros ad sanitatem reducendos plus debent conferre, quam vegetabilia, quae cum illis comparata potestates antisepticas infirmas exiguaeque habent, quam juscula e carne animali recente confecta, quibus vim putredini inimicam nemo, ut existimamus, inesse contendet. Experientia tamen testatur, illa prorsus inertia et inefficacia esse, dum haec magnopere profunt. Quae putredini potenter obsistunt, qualia sunt thea, alkali fixum et volatile, ea notas, quae morbos, qui putridi vocantur, insignire conceduntur, moverunt *. Et forsitan non alienum erit rursus commemorare, haec omnia signa, affectibus animi laetioribus excitatis et vigentibus, evanuisse.

Nonne

* Milman.

Nonne hae res verae ad probandum conferrunt, idem ratiocinium de rebus vita destitutis et animatis adhibere, nihil aliud quam in errorem inducere? Nonne ostendunt, nos eas substantias, quae calore subjectae, aliisve artibus chemicis tortae, dotes antisepticas exhibeant, corpore receptas iisdem praeditas esse, inferre non oportere? Denique, nonne demonstrant, scorbutum conditioni sanguinis putridae non esse referendum, cum antiseptica valentiora aliena esse, et debilia et potestates, quibus nullae virtutes antisepticae adhuc tributae fuerint, ad morbum depellendum sufficere reperiantur?

Ita pauculas observationes, sed ea diffidentia quam argumenti magnitudo et experientia manca mihi non injicere non potuerunt, in medium ausus sum proferre, quae, iudicio meo, ad aliquas dubitationes de pathologia hujus morbi humorali excitandas accommodantur. Et, uti spero,

spero, non mihi vitio vertetur, quod res veras experientiamque eorum, quibus hocce argumentum attente considerandi occasiones frequentes fuerunt subministratae, neglectui habui. Mihi met in vanis futilibusque theoriis concinnandis indulgere nolui; nihil enim mihi antiquius fuit, quam ea, quae annotaverim, ad documenta, quae res verae suppeditaverint, provocando regere et confirmare. In opere in vulgus nuper edito, ingenio, doctrina, et utilitate magnopere repleto, auctor venerabilis animi sui sensa de acrimonia, ut morbi causa, modo sequente profert. “Up-
“ on the whole of this subject, therefore, I
“ would conclude, that the supposition of an
“ acrimony, as the cause of diseases, has been
“ too frequently admitted in our modern patho-
“ logy, and that it ought not to be admitted,
“ unless when the causes and existence of it are
“ well ascertained *.”

* Cullen. Mater. Medic. § I. p. 79. vol. I.

E ratiocinio supra de hoc argumento tradito mihi, uti spero, senſa Profeſſoris illuſtriſſimi adſciſcere licebit, quae non minus ad conditionem ſanguinis putreſcentem, quam ad acrimoniam in eo humore exiſtentem, reſpiciunt.

Una theoria explicata, ad alteram confi-
derandam progrediendum eſt, quae hunc morbum
ab infirmitate ſtatu *ſolidorum* debilitato pendere
ponit.

1. Omnes autem quaſi uno ore conſentiunt,
fibris muſcularibus viventibus poteſtatem ineſſe,
qua ſemet, cauſa excitante admota, contrahere
valent; et a gradu huiusce poteſtatis, qui adeſt,
majore vel minore, et etiam a vi, qua cauſa ex-
citans agit, valetudinem commodam corporis
et vigorem magna ex parte pendere.

2. Si

2. Si causae contractionem sanam tonumve facientes languide agunt, vis cohaesionis fibrarum muscularium diminuetur, et longitudo earundem augebitur.

E causis remotis scorbuti jam consideratis, eas esse tales, apparet, quales vires corpori non satis suppeditando agunt. Sive mari, sive terra saeviret, rationes gravissimae non defuerunt, cur actioni frigoris et humiditatis, cibo concoctu difficili, alimentis parum nutriminis suppeditantibus, fami et angoribus animi contristati et demissi tribueretur. Hae causae varie conjunctae ad morbum prognerandum sufficere fuerunt repertae, et eodem tempore ad duas propositiones antecedentes explicandas sufficiunt.

Si vero animum ad nonnullas e rebus veris, in historia morbi comprehensis, contemplandas diligenter adjungamus, causa non deesse videbi-

tur, cur, praeter debilitatem solidorum, vim cohaesionis eorum imminutam, et longitudinem auctam, fibris muscularibus quoque inesse magnam *mobilitatem*, vel, si vocabulum liceat adhibere, *capacitatem impressiones recipiendi adauctam*. Professori celeberrimo *, ad cujus opera lectorem toties relegavimus, placet, mobilitatem fibrarum muscularium a causis, quae vigorem illis imminuunt, frequenter augeri videri; et igitur tensionem diminutam ab iis, quae potestatem animale, nervosam, vel inhaerentem debilitant, proficisci. Igitur hanc fibrae muscularis conditionem scorbuti comitem esse oportere, constitutio corporis humani naturalis quodammodo demonstrare videtur; cum eum morbum excitent affectus animum moestitia obruentes, cum modum, quo Dr Stark morbum intulerit, viderimus, cum scorbutus famem frequenter

* Cullen. Physiolog.

quenter comitari notetur; homines causis hujusmodi objecti magnam mobilitatem acquirunt, ut aegroti, scorbuto laborantes, minimo nisui succumbentes, et periculum cibum diuturna esurie conflictato liberaliter et subito dandi testantur *.

Haud

* Nulla argumenta, quae et scorbutum et typhum magna debilitate stipari probent, sunt necessaria. Hi morbi tamen nec eadem signa ostendunt, nec iisdem remediis depelluntur. Igitur verum discrimen inter hosce affectus intercedere concludamus oportet. Negari non potest, scorbuto laborantes horroribus, tremoribus, et proclivitati ad terrores ingentes, causa etiam levissima data, patere; et summum periculum a quolibet stimulante valentiore, hoc morbo conflictantibus applicato, oriri. Signa vero modo comprehensa typhum non insigniunt, et ad eum depellendum, medicamenta stimulantia potentissima, omnino necessaria esse reperiuntur. Unde igitur proficiscitur hocce discrimen, quod modo po-

suimus?

Haud silentio praetereundum est, Milmanum ratiocinationem Fontanae de fibris muscularibus recepisse; sed, inter statum earum hoc in morbo

fuimus? E supra dictis plane et evidenter apparet, scorbutum a potestatibus excitantibus abstractis ortum deducere, quae protinus vires corpori diminuunt. Cum autem quoque verum sit, stimulantia potentia irritabilitatem fibrarum muscularium consumere; stimulos hoc modo abstractos in auctum irritabilitatis morbidum desinere oportere manifestum et evidens est. Ex hoc, e tremoribus, qui morbum comitantur, e facilitate, qua scorbuto laborantes terroribus animique moestitia afficiuntur, idque ob causas levissimas, et denique e natura remediorum, quae ad morbum tollendum accommodantur, plane apparet, nos, non sine ratione gravi, theoriam nostram fundamento solido inaedificari, et morbum capacitate impressiones recipiendi adaucta stipari, et, in hoc, a typho longe differre, asserere posse; namque in affectu posteriore aegrotantes stimulantia valentissima, et tali, qualis hominibus valetudine commoda fruenti-

bus,

morbo debilem et relaxatum exponendum, nihil attentionis ei facilitati, qua contractiones earum possunt cieri, impendisse. Causam scorbuti proximam in principio vitali exhausto posuit. Si eandem vero in debilitate solidorum viventium posuisset, et si theoria ejus mobilitatem fibrarum muscularium auctam, quam causae vigorem illis diminuentes saepe progenerant, comprehendisset, tunc, si mihi opinionem propriam interponere liceat, phaenomena morbi plenius clariusque exponere valuisset. Totam vero causam proximam in principio vitali exhausto ponere, non minus erroris forsitan, quam theoria, quam subruere et convellere conatus est, creabit.

RATIO

bus, ex toto inimica foret, quantitate data, quae vero ad hunc morbum depellendum optime, uti experientia testatur, accommodantur, facillime tolerare valent.

RATIO SYMPTOMATUM.

His traditis, proximum est, ut signa explicare conemur. Decoloratio cutis et maculae, quae semet ostendunt, per cohaesionem fibrarum muscularium diminutam facile possint explicari. Diminutionem hujuscemodi incidere et ratiocinium et experientia evincunt *. Injuria externa levissima ad solutionem continui faciendam sufficit. Igitur minime mirabile est, si sanguis in vasis, quibus *potestas continens* est imminuta, circumiens, subter cutem effundatur, et maculas, quae subter eandem sunt videndae, prodignat. Positum fuit, sanguinem putridum et dissolutum in telam cellulosa subter cutem effundi,

* Lind's Postscript. Van Swieten, &c.

fundi, et, rebus ita se habentibus, vasa, per quae antea permeare non potuit, intrare. Ratiocinium vero, quod supra fuit propositum, hanc conjecturam improbabilem potius reddit, et cadavera a Poupartio Lindoque incisa, fidem ei magis etiamnum derogant. Hae incisiones docent, sanguinem coactum in muscutorum interstitiis, cavis cordis, et subter cutem fuisse repertum. Multis in exemplis, sanguis tam firmiter coactus est, ut muscoli insolitam durtiem sibi comparaverant. Hae res verae, quantum judicare possumus, notioni status sanguinis putridi et dissoluti adversantur, et eam igitur in signis morbi exponendis recipere nolumus.

Eadem cohaesio diminuta, quae inter particulas fibras componentes reperiunda est, cur gingivae tumeant dentesque vacillent, explicabit. Si haec cohaesionis autem diminutio maculas cutis, et signa modo posita, valeat illustrare, eadem

dem longius etiamnum provecta causae profusionum sanguinis, quae aegrotos saepe rapiunt, immodicarum lumen offundet. Namque, prout morbus increfcit, *potestas* vasorum sanguiferorum *continens* magis magisque gradatim diminuitur, et tandem tam debilis evadit, ut humorem, quem vehant, quantitate non parva effundant. Hae sanguinis profusiones animi deliquio et convulsionibus saepe ftipantur. Magnam mobilitatem hoc in morbo subesse supra notavimus, et auctoritate quam maxime spectabili innitentes eam causis corporis vigorem diminuentibus intendi commemoravimus. Si res ita se habeat, quomodo evacuationibus sanguinis largis augeri periclitetur, satis evidens et manifestum erit. Idcirco eadem causae in hanc contractionis, quam fibrae possident, facilitatem agentes, et oppressioni cordis, ob sanguinem nimium ibi accumulatum, adjunctae tremoribus animique deliquiis, quibus cum scorbuto colluctantes,

luctantes, post haemorrhagias profusiores, afficiuntur, explicandis inservient. Quinetiam aliqua ex parte causam illustrabunt, cur aegrotantes, minimo nisu corporeo adhibito, vel etiam aëre puro et recente ad eos subito adspirante, tam saepe fato fungantur. Quae auctor elegantissimus et ingeniosissimus docet, ea hanc opinionem in clariore adhuc luce ponunt. “ Mobilitas nimia est, si quando vel a
“ stimulo justo leviori motus excitantur, vel
“ motus nimii a solito stimulo ; quod si acciderit, motus quoque abnormes esse solent *.”

Haec argumenti pars locum occasionemque in naturam convulsionum, et nexum, qui illas inter et haemorrhagiam intercedit, inquirendi ampla suppeditat ; sed, ob brevitatem instituti, eo desistamus oportet.

H

Foetor

* Gregorii Conspect. Medicin. Theoret.

Foetor halitus a fibris gingivarum ruptis, aërique objectis, proficisci videtur. Non alienum erit notare, hoc signum alios morbos, quibus nihil necessitudinis cum scorbuto intercedat, comitari, et igitur conditionem sanguinis septicam non significare videri. Status musculorum induratus sanguini in eorum intervalla effuso referendus est, qui adeo firmiter cogitur, ut duritiem ligneam sibi acquirat. Hoc rationem doloris et contractionis, quibus membra afficiuntur, satis claram reddere videtur.

Quo functio oeconomiae animalis, saluti tam necessaria, quam respiratio est, adeo, ut valetudini commodae possit inservire, peragatur, aër respirationi idoneus in pulmones admittatur necesse est. Mutationem, qua vitatur, ibi subit, et, ut locum alii aëris puri et recentis supplemento comparet, expiratur. Hujusce fluidi inspirationi et expirationi certorum musculorum actio

actio est necessaria. Si vero, ob debilitatem corporis universam, hi muscoli muniis suis nimis languide fungantur, nec aëra pollutum e pulmonibus rite expulsum iri, nec aëra purum et respirationi idoneum in eisdem satis libere admissum iri, evidens et manifestum est. Hoc spiritui difficili, quo hic morbus tam saepe stipatur, lumen offundere videtur.

Quaestio hic apte proponi potest, An sanguis hoc in morbo afficitur? Quae res verae supra fuerunt comprehensae, eae nobis in animum credere induxerunt, eum non esse putridum, quanquam in morbo, ubi tanta tamque universa debilitas dominatur, non talem esse confitemur, qualis est, cum in vasa, quibus actio perfecta est, quibusque vigor non imminutus est, diffunditur. Experimenta vero satis numerosa et clara, quae modum, quo conditionibus corporis variis afficiatur, ostendant, adhuc defunt.

A priori, aliquam ei mutationem per statum solidorum morbidum inferri non suspicari non possumus; sed, *a posteriori*, documenta pauca et manca esse reperientur. Notatum fuit, uti credo, animalibus ictu fulmineo nimiae venatione extinctis sanguinem non cogi solere. Hewsonius clarus experimenta adducit, quae deliquium animi et languorem eum magis viscidum, et ad cogendum proniorem, efficere probent*. Scorbutus autem est morbus, in quo haec signa magnopere dominantur. Si haec igitur cum phaenomenis, quae Poupardii Lindique incisio- nes commonstrarunt, conjunxeris, proclivita- tem sanguinis ad cogendum hoc in morbo au- geri probabile esse videbitur.

Ita praecipua e signis hujusce morbi expone- re conatus sum. Ab explicatione modo tradita,
unde

* Hewson's Experimental Inquiry, &c.

unde reliqua pendeant et proficiſcantur, facile apparebit. Licet vero pathologiam humoralem recipere noluerim, et plus probabilitatis alii opinioni, inter ratiocinandum, conceſſerim; mihi tamen in animo nunquam fuiſſe vere poſſum affirmare, illam pathologiam irridere, quae, in tot ſecula, ratiocinium primorum medicinae luminum rexit, uſumque practicum moderata eſt, et approbationem Sydenhamii et Boerhaavii ſibi adepta eſt.

D I A G N O S I S.

Quum ſignorum ſeriem deſcripſi, ea, ut ſcorbutum a quolibet alio morbo ſecernere facile poſſimus, faciet. Si vero quoque animum ad ſemina et poteſtates nocentes conſideranda adjungemus, nullum omnino erroris periculum poterit

poterit oriri. Species, quam ulcus prae sefert, affectus faucium, uvulae, et palati, qui in lue venerea semet ostendunt, ne signa illius morbi cum scorbuti propriis confundamus, cavebunt.

P R O G N O S I S.

Utcunque formidolosus hic morbus sit, nullus tamen affectus morbidus, cui corpus humanum est opportunum, depulso facilius est. Medicus, si modo remedia idonea sint, et malo venienti occurrere, et aegrotos etiam, eodem admodum inveterato et provecto, ad sanitatem reducere potest *. Exempli innumera hanc veritatem adeo solatii feracem evincunt. Igitur, si praesidia adsint, bonus morbi eventus constanter sperandus.

P R O.

* Lind.

P R O P H Y L A X I S.

Si causae remotae non e memoria exciderint, ratio huic morbo occurrendi efficax nunquam poterit ignorari. Vis earum nociva vitetur, nunquam accedet scorbutus. Hilaritatem in classibus et praesidiis excitandi, et omnia, quae animum tristem demissumque reddere possint, e conspectu removendi, necessitas manifesta et evidens erit, si, quales in eos, qui hoc morbo laborant, effectus edant affectus animi hujuscemodi, attente diligenterque considerabitur.

Magna benevolentia et sapientia conjunctae, quas in hac ipsa re, et in omni quidem alia, demonstravit nuperus navigator, cujus nomen, honos, laudesque semper manebunt, abunde testantur,

tur, vestitus, exercitationis, munditiae, victusque rationem rite habitam, per omnes coeli regionisque vicissitudines, et dum totus terrarum orbis circumnavigatur, scorbuto efficaciter posse occurrere. Si lector, quaenam morbi praesidia vir admirabilis adhibuerit, accurate scire velit, eum ad orationem elegantem, quae a Pringelio illustrissimo coram Societate Regia tradebatur, relegendam oportet; cum focii spectabiles et eruditi, quanti meritum tam rarum tamque singulare facerent, clare grateque praedicarunt.

C U R A T I O.

Ab investigationibus historicis et theoreticis, quae traditae fuerunt, curatio scorbuti, ut consecutio iusta et naturalis, oriri videtur. Corpus universum, ut supra comprehensum fuit, admodum

dum debilitatum et relaxatum est, vires concoquendi perquam imminutae, et nifus corporeus etiam minimus, morbo provectiore, aegroto miserando exitium ineluctabile inferre periclitatur. Ex his datis via medendi rationalis haud dubie potest deduci.

Cibus levis concoctuque facilis sit. Scorbuto laborantes, ut experientia docet, morbo provectiore, nihil dotibus stimulantibus valentioribus praeditum tolerare possunt. Curatione aliqua ex parte absoluta, vinum carnemque recentem modice dare conveniet.

Cum exempla plurima non defint, ubi homines scorbuto, longas post navigationes, gravissimo paene confectos, diaeta vegetabilis et aërpurus restituerunt, ad haec, ut remedia in auxilium morbi promptissima, constanter decurra-

tur. His juscula e carne recente confecta adjici possunt.

Acidum vegetabile nativum fermentato, quod acetum praebet, multi praetulerunt.

A statu animi tranquillo et sereno summa commoda orientur. Igitur aegroti ab omnibus sedulo et diligenter abducantur, quae animi anxietatem et moestitiam facere possunt. De his vero et similibus satis supra dictum.

Nihil aliud, quam mera huic morbo medendi consilia, tradere necessarium esse duxi; quoniam de omnibus, quae curationem spectant, in libris, quos unusquisque medicinae studiosus manu diurna et nocturna versat, fuse pleneque differitur.

Tantum

Tantum superest, ut Professoribus hujusce Academiae illustrissimis, qui talem ei claritudinem sua doctrina ingenioque compararunt, qualis, ut confido, in multa secula futura manebit, ob scientiam variam et utilem a Praelectionibus eorum excellentissimis deductam, grates animo sincero persolvam.

F I N I S.

